

Sarkina Bt Mat Saad @ Shaari

From: UUM CORPORATE COMM.
Sent: Wednesday, October 2, 2019 3:39 PM
To: UUM - All Staff; UUM - All Students
Subject: Syarahan Profesor Kursi CIMB-UUM Kupas Isu Implikasi 'Society 5.0' Kepada Masyarakat



UUM Corporate Comm.
Universiti Utara Malaysia

2 OKTOBER 2019 / 3 SAFAR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Abdul Halim Husain

SYARAHAN PROFESOR KURSI CIMB-UUM KUPAS ISU IMPLIKASI 'SOCIETY 5.0' KEPADA MASYARAKAT



UUM ONLINE: Kuala Lumpur - Profesor Kursi CIMB-UUM, Prof. Dr. Jonathan A. Batten telah menyampaikan syarahan umum bertajuk '*Society 5.0: What Are The Implications For You?*' di PNB Perdana Hotel & Suites On The Park pada Isnin lalu.

Syarahan anjuran bersama UUM dan CIMB itu mengupas tentang isu pembentukan budaya masyarakat pintar (Society 5.0) iaitu dasar transformasi Jepun yang menekankan kepada keperluan mengintegrasikan ciri-ciri kemanusiaan dalam penggunaan teknologi pada segenap aspek kehidupan masyarakat.

Prof. Batten dalam syarahan beliau berkata, matlamat utama Society 5.0 adalah tentang penciptaan nilai-nilai seiring dengan kemajuan teknologi yang dapat memupuk kesejahteraan masyarakat.

Menurutnya, untuk menjadi sebuah bandar pintar, ekosistem yang ada perlu menyokong ke arah penyelesaian masalah manusia seperti isu ketidaksamaan ekonomi dan sosial, sanitasi dan kesihatan.

Sehubungan itu, katanya, bandar pintar itu perlu melaksanakan strategi yang selaras dengan matlamat sosial yang lebih luas seperti Matlamat Pembangunan Lestari (SDG) Pertubuhan Bangsa-Bangsa Bersatu (PBB).

Selain itu, beliau turut menerangkan tentang strategi utama bagi menyelamatkan bumi ini dan membantu mengubah manusia selangkah demi selangkah pada satu masa.

Antara strategi utama tersebut adalah 17 Matlamat Pembangunan Lestari PBB, perniagaan Revolusi Industri 4.0 (IR4.0) dan Society 5.0, sistem perbankan di abad 21 pada zaman kini dan masa hadapan serta peranan penting institusi kewangan dan peranan individu.

Katanya, SDG PBB, IR4.0, Society 5.0 menyediakan konteks strategik untuk mengubah menjadi masyarakat pintar pada masa hadapan melalui pelaksanaan strategi transformatif yang mempunyai implikasi strategik, polisi dan organisasi ke atas kewangan, institusi dan individu.

"Faktor pelaksanaan strategik, polisi dan organisasi ini termasuk pelaburan pada masa hadapan yang mampan (contoh: tenaga boleh diperbaharui), pembiayaan pelaburan dengan lebih bertanggungjawab (contoh: *Green Finance*) dan menguruskan risiko berkaitan aset dan liabiliti (contoh: *Carbon Trading Climate Derivatives*)," katanya.

Sementara itu, Dekan SEFB, Prof. Dr. Russayani Ismail berkata, siri syarahan umum itu disasarkan kepada pihak berkepentingan yang berkait dengan agenda nasional semasa untuk pertukaran idea intelektual serta bertindak sebagai platform untuk meningkatkan rangkaian akademik-industri.

Menurutnya, menerusi Kursi CIMB-UUM itu, kerjasama antara kedua institusi dapat diperkukuhkan lagi, selain dapat meluaskan bidang pengetahuan terutamanya dalam penyelidikan berkaitan kewangan dan perbankan.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.